



SARAJEVO Uhapšeni u akcijama "Tango" i "Coral" predati Tužilaštvu

D. TOVILOVIĆ

SARAJEVO - Pripadnici Državne agencije za istrage i zaštitu (SIPA) predali su u četvrtak uveče u nadležnost Kantonalnog tužilaštva u Sarajevu 16 osoba uhapšenih u akcijama "Coral" i "Tango", koje su sprovedene na području ovog grada.

Do zaključenja ovog broja "Nezavisnih" u petak je u Tužilaštvu Kantona Sarajevo još trajalo ispitivanje osumnjičenih, pa je ostalo nepoznato koje je mjere predložio tužilac.

"Tokom dana (petak) SIPA će Kantonalnom sudu u Sarajevu i Kantonalnom tužilaštvu Kantona

**BIĆE DOSTAVLJENI
ODGOVARAJUĆI
IZVJEŠTAJI**

Sarajevo dostaviti odgovarajuće izvještaje u vezi s realizacijom naredbi za pretrase i privremeno oduzete predmete. Kantonalnom tužilaštvu će biti dostavljen i izvještaj o postojanju osnova sumnje o počinjenom krivičnom djelu i počinocima protiv osumnjičenih osoba u predmetima "Coral" i "Tango", saopšteno je iz SIPA, iz koje su zahvalili pripadnicima MUP-a KS na saradnji i pomoći.

Uhapšenima, među kojima je i Alen Čengić, vlasnik restorana "Park prinčeva" i direktor hotela "Holiđej", na teret se stavljaju porreska utaja, organizovani kriminal, teške krađe, sprečavanje osoba u vršenju službenih dužnosti, oštećenje tuđe stvari i navođenje na prostituciju. Sva krivična djela direktno su vezana za hotel "Holiđej", a mutne radnje i poslovi su izvedeni u periodu ove i prošle godine.